

امور تحریر بہ ایچون فواد بکہ
وامور اداره ایچون آرتین افندی بہ
مراجعت اولنور.

مَحَلُّو صَالَت

مسلمہزہ موافق آثار قبول اولنور.
درج ایدلین اوراق اعادہ اولنماز.

ادارہ خانہ سی باب عالی جادہ سندہ
۵۲ نومرولو « شرکت مرتبہ »
مطبعہ سیدر.

استانبول ایچون سنہ لکی مطبعہ دن
آلنق شرطیلہ ۴۰، طشرہ لره پوستہ
اجرتیلہ برابر ۶۰ غروشدہ.

نسخہ سی ۱ غروش

پنجشنبه کونہری نشر اولنور ادبی، فنی و صناعی غزتر در

نسخہ سی ۱ غروش

بورالرده يالکر حيوانات مکيسهيه تصادف اولنور. صيد ايديله جک حيوانات مختلف الجنس قانکورورله وومبات، ايکي فاره بيوکککنده اولان اوپ پوسوم قازو آرومتوع قوشلردر. ساحل بجرده ياشايان اقوام حيوانات ناعميله تعيش ايدرلر؛ قبل التاريخ اوروپاده ساکن اولان اقوامک مساکني جوارنده کورولديکي کي بورالرده کلبه لرك اطرافنه ييغيلان حيوانات بحريه قابوqlرندن کچوک تپه لر حاصل اولمشدر. بالقي اتي نعمت غير مترقبه عد ايديلير؛ بعضاً ساحله دوشن بربالينه جسدي هفته لرحه غذا اولور. قحط زماننده کوپکلرله قادينلره مراجعت اولنور. يکي کينه قطعه سنده ساکن اولان پاپورلرک حالي بوندن برآز ده ايدير. فقط اوراده دخی نباتات اندردر. سياح به قارينک روايتنه کوره، يکي کينه قطعه سنده قابل اکل بر ميويه بيله تصادف ايدلزمش. ماله زلر بورايه حبوباتدن پرنج ايله برحس غيرطوعي به اتباعاً خرما جنسندن ساغو تعبير ايديلن بر نوع آغاج کتيرمشلردر. بوقطعه ده حيوانات مکيسه دن باشقه مخلوقاته ده تصادف ايدلکده در. کينه اورمانلرنده سوريلرله دولاشان يابان دوموزلريني پاپورلر تائيس ايديله شلردر؛ فقط بونلري آلديره ييلک ايچون ده اياورو ايکن طوته رق کوزلريني چيقارلر. دنيا نك همان هر نقطه سنده انسانه رفاقت ايدن کوپک بو طرفلرده ده اهلي حالنده در. طاووق واوردک کي حيوانات ده بولنور. اورمانلرده يک چوق آو قوشی واردر. بر حالحه ياشايان اقوام صيد بحري ايله تعيش ايدرلر. يکي هبريد آطه لری پاپورلی ويکی قاله دونيا اهاليسي ده بو صورتله تامين حيات ايتمکده درلر. بورالرده حيوانات اهليه يوقدر. باشقه طرفلرده کمال لذتله ينلن کوپکک بوراده اسمي بيله ايشيدلزم؛ فقط يکي قاله دونيا اهاليسي زراعتده اولدقجه ترقی ايتمشلردر؛

بوراده اين يام وتارو تعبير ايديلن نباتات کمال دقت واختياطله زرع ايديلير. سربل (مابعدی وار)

کوی حکیمی

(مابعد)

سايه مراحويه حضرت خلافتناهيده آشي عملياتي خصوصنه ممالك عثمانيه ده هر طرفدن زياده التزام دقت و ابدال مرحمت وعنايت بيورلقد و بالعموم اطفال ايچون تلقیح جدری عملياتي مجبوري طو تلقیه اولوب مع مافيه کويلرده آشيلا نماش وسنلری حد کهوله واصل اولمش اشخاص بولنه جني جهتله عمليات تلقیحيه نك بونلر حقنده ده مجبوري الاجرا طو تلمسي لازم کليز؛ زیرا؛ چيچک خسته لکی سن کهوله بولنانلر ايچون اطفالدن زياده موجب تلمکدر.

موجو قمرده نشو و نما سي ربو بامر کی

تغييرات

چو جو قلرک بويلرنجه اولان نشو و نما آتيلری ايچون يک بيوک تأثيری موجب بولنديغي جهتله والده لرك بو خصوصه متعدياً عطف انظار دقت واهميت ايتملری واجبات اموردندر. متناسب وموزون اولان قامت واندام، صاحبك حسن ووجهتي تزويد ايتدکدن باشقه صحت وجودكده شرائط اساسيه سندنر.

چو جو قلرک لايقي وجهله بيومه سي ايچون اك كوزل، اك مؤثر واسطه هواي صاف تنفس ايتك وكنيش يرلرده كروب اوينا مقدر؛ بناء عليه اطفالك بويولده تنفس وتزهرينه ممانعت جائز اولماديغي کي بالعكس كنديلريني بوكا سوق ايتك اقتضا ايدر. چو جو قلرک وهله قيز چو جو قلرينك

تکمل ونشو ونماي وجودينه اك زياده مانع اولان شي، متناسب اندامه باعث اولور خليا سيله، طار البسه کيديرمه سي وقورسه استعمال ايتديرمه سي کي عادات غير مستحسنه در. بو حرکتلريله والده لر، چو جو قلريني نشو ونماي طبيعدين محروم ايتمکله برابر مادتا حياتلريني اللريله تقصير وتقليله خدمت ايتمش اوليورلرکه جداً شايان تأسفدر.

بر طفل نوزاد ده قوندا قده ايکن اويله صيم صيقي صاريلوب باغلاميه باشلانيرسه نشو ونمادن بالطبع محروم قالير؛ بناء عليه چو جو قلرک ال واياقلريني بحال طبيعنده سربست براقق صورتيه اندام واعضالرينك تکملنه خدمت ايتديلدر. مع مافيه شوقاعديه رعايته اطفالك اعضاي بدنلری بر صورت متساويه وعموميه ده نشو ونما بوله جني ادما اولنه ماز؛ زیرا انسانلرده چهره لر نه قدر بربرينه بکزه من ايسه اشکال اندام ده او قدر مختلفدر. شوقدرکه قواعد صحيه به رعايت، تناسب اندامجه فوائد بخش اولماسه بيله، صحت وجود ايچون تاثيرات عظيمي مستلزم اوله جني جهتله فائده دن خالی دکدر.

بر مادر شفقتکستر، نفسندن البته برقاج قات زياده سويکي اولادينك وجودجه صحت تامه به مالک اولمه سنی آرزو ايده جکی جهتله شو آرزوسنك حصولنی تأمين ايله. جک تدابير صحيه به رعايت ايتمه سي و بناء عليه چو جو قلريني اويله صيقتی ايچنده بيوتکدن ايسه راحت وسربست حاله بولنديرمه سي لازم کليز. اگر جناب حق چو جو غه حسن وتناسب اندام احسان ايتمش ايسه بو سايله اولانجه کوزللكيله عرض چهره ايتسام ايلر؛ بالعکس حسن وتناسب نعمتدن محروم ايسه ينه بوسايله ده صحتی محافظه ايتمش اولور.

دوفتور ف.

(مابعدی وار)

شرکت مرتبه مطبوعه سي مدبری : آر تين